

阿育王傳


才三

四百廿五
會三

51049

子

子



元祿九年丙子二月日重脩

皇圖翠固 帝階綴昌

佛日增輝 懋輪常轉

山城州天安寺法金剛院置



子

子

阿育王傳卷第三

西晉安息三藏安法欽譯

禽

優波毘多因緣第七

佛於摩突羅國告阿難言我百年後摩突羅國有毘多長者之子名優波毘多教授禪法弟子之中最為第一雖無相好化度如我我涅槃已後當大作佛事其所教化阿僧祇衆生皆令解脫得阿羅漢者人使捉一四寸之籌擲著窟裏積滿其中此窟長短四十六尺廣狹則有二十四尺復告阿難言汝今見是青樹林不唯然已見阿難此是優留曼荼山我百年後有比丘名商那和修於優留曼荼



山當作僧房而度優波毘多摩突羅國有二
長者子一名那羅二名跋利於優留曼荼山
當起僧房閑暇清淨能生禪定房舍卧具悉
皆具足遂名那羅跋吒阿練若處阿難白佛
言世尊優波毘多所化度者多所利益佛告
阿難優波毘多非但今日多所化度乃於往
昔無量劫時亦多所利益欲得聞者至心聽
之當爲汝說往昔優留曼荼山有五百辟支
佛止住一面五百仙人復在一面五百獼猴
亦住一面
尔時五百獼猴之主往辟支佛所生歡喜心
採華拾菓與辟支佛時辟支佛結加趺坐入

於禪定猕猴合掌在其下頭學辟支佛結加
趺坐後辟支佛入於涅槃猕猴過華菓與都
無取相於是猕猴挽衣推排亦不動搖知涅
槃去用爲懊惱便向山一面見五百婆羅門
或卧棘刺或卧灰土或翹一脚或舉一手或
自倒懸或五熱炙身卧棘刺上者猕猴便收棘
刺遠棄卧灰土者亦收灰土而遠棄之舉一
手者挽手令下倒懸之者挽其索絕翹一脚
者挽其脚展五熱炙身者遠棄其火恠彼所
作即於其前結加趺坐五百仙人各作是言
猕猴今恠我等所作我等試學猕猴所作便
加趺坐思惟繫念無師自悟七覺意法自然

在前即得辟支佛而作是念我等今得辟支
佛道皆由獼猴之所教授具以華菓供養獼
猴獼猴壽終便以香薪燒而供養阿難今時
獼猴者今優波鞠多是昔爲獼猴猶能利益
五百仙人使得道證佛語阿難汝捉我衣即
便捉衣遂即相將向罽賓國到罽賓國已佛
告阿難此地平整甚大寬廣阿難白佛言如
是世尊復告阿難我百年後有比丘名摩田
地當安佛法於罽賓國此罽賓國多饒房舍
卧具坐禪第一佛從是漸進向拘尸那城佛
欲般涅槃告摩訶迦葉言於我滅後當撰法
眼使千年在出世利益衆生迦葉答言請受尊

教佛入世俗心而作念言釋提桓因應來我所釋提桓因知佛心念即至佛所佛語釋提桓因我去世後汝當護持我之遺法釋提桓因白佛言世尊唯然受教佛亦入世俗心而作心念四天王天應至我所時四天王知佛心念即來佛所佛告四天王我涅槃後當擁護善法唯然世尊當受聖教佛勅摩訶迦葉釋提桓因四天王等已便至拘尸那城娑羅林中雙樹間宿涅槃時至告阿難言汝於娑羅林中北首敷置我於今日中夜當入涅槃而說偈言

諸有皆迴覆

生老如波浪

渡死之大海

捨身如棄杖 至無畏涅槃 免魔竭大怖

三有海淵廣 解脫師能渡

說此偈已即入涅槃如是乃至起八舍利塔
第九瓶塔第十灰炭塔乃至釋提桓因及四
天王以香華音樂末香塗香供養舍利而作
是言佛付囑我等法而般涅槃從今已去當
護持佛法帝釋告提頭羅吒汝當擁護東方
佛法復告毗樓勒汝當擁護南方佛法告毗
樓博叉汝當擁護西方佛法告毗沙門天王汝
當擁護北方佛法所以者何未來當有三邪
見王毀滅佛法佛之所記汝當護持佛滅度
後數千億萬阿羅漢等悉入涅槃諸夫空中

出大音聲而作是言諸佛弟子皆從佛去法
燈欲滅大闇將至若不聚集三藏經書若諸
羅漢入涅槃已佛法即滅釋提桓因將四天
王及諸天衆往尊者摩訶迦葉所頭面作禮
而白迦葉言尊者如來之法付囑尊者尊者
今當聚集法眼令諸天人千載之後利益衆
生迦葉即時於虛空中打大捷椎三千世界
皆聞其聲五百羅漢即來集於拘尸那城迦
葉語阿那律言諸羅漢中誰有不來答言唯
有尊者憍梵波提在尸利沙宮而未來至迦
葉問言今此衆中誰爲下座弗那答言我是
下座尊者語言汝能從僧如法教不弗那答

言我能從順尊者言善哉善哉汝能爲下座
莊嚴衆僧今可往彼尸利沙宮語憍梵波提
言迦葉等比丘僧喚汝此間今有僧事喚於
大德弗那即往至尸利沙宮白憍梵波提言
迦葉等比丘僧今有僧事暫喚尊者答言長
老弗那應言如來等比丘僧何以乃言迦葉
等比丘僧佛不入涅槃耶將非外道壞佛法
也將非惡比丘破和合僧也弗那言如尊者
語如來已入涅槃法橋已壞法須彌山已崩
聲聞由軋陀山已壞尊者憍梵波提言世尊
若在閻浮提者我可往彼今已滅度閻浮提
內空曠不樂我何故去我今乃欲入於涅槃

遙以我心頂禮迦葉及衆僧足作是語已即
入涅槃

於是弗那還閻浮提到衆僧前向上座言憍
梵波提不肯來下禮上座足并諸衆僧即入
涅槃致此命已而作言曰十力大象沒象子
亦隨沒諸阿羅漢等多有隨佛而涅槃者摩
訶迦葉作是制言未集法藏不聽比丘入於
涅槃乃集五百諸阿羅漢皆共和合欲集法
藏又語阿難長老汝是佛弟子多聞揔持有
大智慧常隨從佛有清淨行知見具足最後
法中利安衆僧佛所讚歎尊者迦葉告諸比
丘佛般涅槃衆人雲集此處妨闡我等宜向

閑靜之處撰集經法於是乃與五百羅漢向
王舍城尊者阿難將弟子婆闍弗哆遊行婆
利闍聚落時彼聚落四部之衆聞佛涅槃皆
生悲苦悶絕懊惱阿難見已生哀愍心昇師
子座爲說法要解喻其意時有弟子婆闍弗
哆觀其和上尊者阿難猶是學人未得羅漢
即向阿難而說偈言
安靜樹下坐 寂滅證涅槃
瞿曇應入定
莫修放逸行 不久得寂滅
涅槃清淨法
婆闍弗哆說如此偈覺悟阿難阿難聞已竟
夜經行坐禪念定於後夜初右脇亞地頭未
到枕豁尔意解得阿羅漢即向王舍城尊者

摩訶迦葉亦將五百羅漢到王舍城阿闍世
王韋提希子聞迦葉將五百羅漢在王舍城
莊嚴城池修治道路出城往迎王先獲得無
根信故見世尊時自投象下今見尊者摩訶
迦葉亦投象下尊者以神通力接令無患即
語王言如來神足捷疾不似聲聞聲聞極用
功夫方得神足自今已往若見我等莫投象
下如見佛時王言唯然受教時阿闍世王五
體投地頂禮尊足合掌而言如來涅槃我不
得見尊者涅槃必使我見答言亦許可王已
即告王言我今欲集如來法眼唯願大王爲
我檀越王言願諸比丘終身受我房舍卧具

病瘦醫藥衣服飲食尊者迦葉即便印可往
至竹林作是念言此中多饒房舍多諸比丘
或能妨鬧畢鉢羅窟房舍卧具不多不少當
於彼中撰集法眼於是迦葉即共五百羅漢
至畢鉢羅窟敷卧具坐而作是言未來比丘
少憶念力我等於日前集法句偈於其食後
當集法眼時諸比丘五百羅漢等悉皆已集
而作是言我等先集何法尊者迦葉答言先
集修多羅諸比丘言今此衆中誰可使集修
多羅者迦葉言阿難多聞第一諸修多羅藏
阿難盡持我等今共問於阿難而修集之即
告阿難言阿難法眼者是佛所出諸多聞者

去世已盡守法藏者唯汝一人今當集法汝
可說之阿難言如尊者語即上座前觀察衆
心而說偈言

比丘所行道

離佛不莊嚴

如似虛空中

衆星之無月

衆僧中無佛

醜陋亦如是

說是偈已禮上座足即昇高座心自念言有

修多羅從佛聞者有修多羅從聲聞聞者尊
者迦葉即便問言佛於何處最初說修多羅
阿難答言如是我聞一時佛住波羅柰鹿野
苑中古仙住處爲五比丘三轉法輪此苦聖
諦如是廣說尊者憍陳如便作是念昔本佛
爲我說如是法今阿難說與本無異即從座

起在地而坐說是偈言

咄哉諸有苦

迴動如水月

不堅如芭蕉

譬如幻影響

如來大雄猛

功德盡三界

猶爲無常風

漂流而不住

五百羅漢聞是偈已皆從座起在地而坐尊者摩訶迦葉告諸比丘阿難所說爲是實不皆答言如是阿難如是乃至廣說修多羅藏尊者迦葉心復念言今當使誰說於毗尼又念尊者優波離佛說持律最爲第一一切毗尼皆從佛受當問優波離撰集毗尼摩訶迦葉即語優波離汝讀毗尼今欲撰集汝可說之優波離答言亦迦葉問言佛於何處說最

初戒荅言在毗舍離國因須達迦蘭陀子制
於初戒如是第二第三乃至廣集毗尼藏尊
者迦葉作是念我今當自誦摩得勒伽藏即
告諸比丘摩得勒伽藏者所謂四念處四正
勤四如意足五根五力七覺八聖道分四難
行道四易行道無諍三昧願智三昧增一定
法百八煩惱世論記結使記業記定慧等記
諸長老此名摩得勒伽藏集法藏訖尊者迦
葉而說偈言

以此尊法輪

濟諸群生類

十力尊所說

皆當勤奉行

此法是明燈

壞破諸黑闇

無明之障翳

攝心莫放逸

尊者阿難作是念言佛臨涅槃時作是語若
放捨細微戒僧得安樂我今當向僧說是語
尊者阿難向上座頭合掌說言我親從佛聞
作是言若捨細微戒僧得安樂住尊者迦葉
告阿難言何者是細微戒汝問佛不答言不
問迦葉語言汝不問此事犯突吉羅罪阿難
答言我本不以無慙愧故而不問也我以憂
惱故不問耳

又復告言汝更有過佛臨涅槃時從汝索水
而汝不與汝亦是犯突吉羅罪阿難答言我
實不以無慙愧故而不取水直以今時有五
百量車新入水過使水擾濁是以不取又復

告言汝亦曾以足躡如來金色衣上亦是汝
罪阿難答言我實不以無慙愧心更無比丘
共捉此衣迦葉言若無人共捉何不仰擲空
中若擲空中諸天自當取之汝更有過如來
爲汝說言若比丘善修四如意足者則能住
壽一劫半劫如意足中我最善修如是三說
汝時默然而不請佛久住於世此亦是汝犯突
吉羅罪阿難答言我非無慙愧尔時惡魔蔽
我心都不覺知又復告言汝更有過汝以如
來陰馬之歲示諸女人亦是汝罪阿難答言
我不無慙愧故示諸女人所以示者欲使女
人厭患女身求男子身又復告言汝更有過

汝昔慙慙勸請如來度諸女人令使出家亦是汝過阿難答言我實不以無慙愧故強勸如來所以勸者我聞過去諸佛皆有四部衆是故勸諸尊者迦葉使阿難作六突吉羅戲悔訖告諸比丘言我等不應捨微細戒何以故諸比丘當言七滅諍是微細戒復有比丘當言衆學法是細微戒復有比丘當言四波羅提提舍尼法是細微戒復有比丘當言波夜提是細微戒若捨此細微戒諸比丘當言捨二不定法十三事乃至四事一切皆捨諸外道若聞當言瞿曇沙門所有之法如似於烟隨佛在時修持諸戒佛涅槃後諸比丘等

欲持者持欲捨者捨尊者迦葉告諸比丘言
佛作是語我所制者皆悉制之我所不制者
慎莫制之

如我所制不增不減諸比丘等當奉禁戒使
善法增長不善法者當令永滅以是義故佛
所制戒皆應護持若如是者法得久住

阿育王傳摩訶迦葉涅槃因緣經第八

尊者迦葉集修多羅及阿毗曇毗尼已訖入
願智三昧觀所集法藏無闕少不思惟已訖
知無闕少五百羅漢亦入願智如是觀察迦
葉自念如來是我大善知識當報佛恩報佛
恩者所謂佛所欲作我已作訖以法饒益同

梵行者為諸衆生作大利益示未來衆生作
大悲想欲使大法流布不絕為無慙愧者作
擯羯磨為慙愧者作安樂行如是報恩皆悉
已竟重作思惟我極年邁身為老壞臭爛之
身甚可厭惡涅槃時到尊者迦葉以法付囑
阿難而作是言長老阿難佛以法藏付囑於
我我今欲入涅槃以法付汝汝善守護阿難
合掌答尊者言唯然受教時王舍城有一長者
生一男兒合衣而出衣名商那即名此兒為
商那和修以漸長大將入大海迦葉語阿難
言商那和修發意入海得寶來還欲作般遮
于瑟若作會已汝度令出家以法付囑迦葉

付囑阿難佛法已作是思惟我今應當至於
大悲難行苦行婆伽婆善知識無量淨善功
德之所熏修真妙舍利所在之處皆自往至
禮拜供養便飛至四塔所極上恭敬禮拜已
復更往八大舍利塔所禮拜供養如大鴈王
飛至大海莎竭羅宮敬禮佛牙敬禮佛牙已
向於天上如金翅鳥屈伸臂頃至忉利天時
釋提桓因與諸天衆禮拜供養尊者迦葉已
釋提桓因觀察摩訶迦葉而作是言尊者今
來欲供養舍利而入涅槃故來至此迦葉答
言我今欲來敬禮如來牙禮如來髮如來天
冠如來鉢今者是我最後供養時釋提桓因

及諸天等聞最後語低頭悲慘憂愁苦惱釋
提桓因自取佛牙恭敬授與尊者迦葉尊者
迦葉舉著額上以牛頭栴檀曼陀羅華供養
佛牙供養已語諸天衆慎莫放逸作是語已
從彼天沒還王舍城時尊者阿難受付囑已
恒常隨逐未曾捨離畏入涅槃或不覩見是
故隨逐尊者迦葉語阿難言汝獨入王舍城
乞食我亦欲獨入王舍城乞食尊者阿難於
中前著衣持鉢入王舍城乞食以三種善事
一以真善色根二以多聞摠持真善說法能
令聽者無有厭足三以阿難之名真善利益
尊者摩訶迦葉亦中前著衣持鉢入城乞食

作是念阿闍世王本與我有要若涅槃時必
當語我我今當往即到阿闍世王門中語守
門人言爲我白王摩訶迦葉今在門外欲見
於王守門人言王今眠睡尊者復言可覺語
之守門人言王甚難惡不敢覺之後自覺時
我當白語尊者復言今若覺者好爲我語摩
訶迦葉欲入涅槃故來相語於是尊者迦葉
至雞脚山三岳中坐草敷上加趺而坐作是
念言我今此身著佛所與糞掃衣自持已鉢
乃至弥勒興世之時令不朽壞使弥勒弟子
皆見我身而生厭惡尊者迦葉作是念言若
阿闍世王不見我身沸血當從面出命不存

濟尊者迦葉已捨命行唯留少壽即時大地
六種震動

尊者迦葉將欲入定作是念言若阿難阿闍
世王來時山當爲開令其得入若還去時山
復還合釋提桓因將數萬諸天以天曼陁羅
華天末香供養尊者摩訶迦葉舍利禮拜供
養已山即自合覆尊者身釋提桓因見尊者
迦葉放捨身命心中惱熱如來涅槃苦惱少
息今日尊者迦葉入於涅槃將復重苦畢鉢
羅窟神聞尊者涅槃作如是言今日此窟即
便空曠摩竭國界悉皆空寂里巷窮酸苦厄
羸劣貧賤之者彼恒悲愍爲作利益今彼諸苦

厄之衆失於覆護從今已去遂當貧窮乏於
善法今日法岳崩壞法船已沒法樹已摧法
海枯竭今自諸魔得大歡喜一切天人哀摧
悲泣讚已即還天上尊者阿難乞食已訖深
自思惟諸行無常時阿闍世王夢天梁折壞
覺已心生驚怖守門者來白王言向者摩訶
迦葉故來白王欲入涅槃王聞是語悶絕躡
地以水灑面小得醒悟於是王即詣竹園禮
阿難足白言尊者迦葉今日欲入涅槃阿難
荅言已入涅槃王復問言示我尊者身處我
欲供養於是阿難將王向雞足山王既至已
山自開張王與阿難即見尊者天曼陀羅華

天末香牛頭栴檀覆其身上阿闍世王即舉
兩手舉身投地從地起已索栴檀薪阿難問
言欲作何等答言欲闍維尊者阿難言尊者
摩訶迦葉以定住身待於弥勒不可得燒弥
勒出時當將徒衆九十六億至此山上見於
迦葉尔時衆中皆作是念聲聞身小彼佛亦
然皆生輕想摩訶迦葉涌身虛空作十八變
變身為火即時弥勒從迦葉取釋迦文佛僧
伽梨當摩訶迦葉現神變時九十六億沙門
見其身小道德充備神通如是深自慚愧憍
慢心息皆成羅漢阿闍世王設供養已即便
還去阿難亦去二人去後山自還合阿闍世

王合掌白尊者阿難言如來涅槃我不得見
尊者迦葉入於涅槃我亦不見若尊者入涅
槃時必使我令見阿難答言尔至後高那和
修安隱得還安置珍寶而向竹林時尊者阿
難在精舍門前經行高那和修直向阿難所
禮阿難足在一面立恣是言我本發意入海
期安隱還當爲佛及僧作般遮于瑟今佛在何
所尊者答言佛已入涅槃即時悶絕躡地以
水灑面還得醒悟又問尊者舍利弗目捷連
摩訶迦葉爲何所在答言盡入涅槃高那和
修白阿難言大德我欲作般遮于瑟尊者答
言可隨意作乃作般遮于瑟訖阿難語言汝

已作財施今可作法施問言尊者欲使我作何等法施尊者荅言於佛法中出家是名法施商那和修荅言尔尔時阿難即度令使出家爲受具足乃至爲白四羯摩商那和修言我本生時著商那衣我今盡形受持此衣即得摠持阿難所持八万四千法藏悉能受持得阿羅漢三明六通具知三藏尊者阿難在竹林園中間一比丘誦法句偈言若人生百歲不見水老鶴不如生一日得見水老鶴尊者阿難在傍邊過已語言子佛不作是說佛所說者若人生百歲不解生滅法不如生一日得解生滅法阿難語言子有二種人謗佛

何等爲二一者多聞不解義理空無果報二者顛倒解義是名爲毒若解正義得涅槃果彼比丘往至和尚所而白師言尊者阿難道此偈非是佛語彼比丘和尚言尊者阿難老朽忘悞汝但如前讀誦阿難還來聞讀此偈如前不異阿難語言子我不語汝佛不作是說耶比丘荅言我和尚言阿難年已老耄不憶此語汝但如本讀阿難思惟言我躬自爲說終不信受阿難入定觀頗有比丘能使此比丘改是語不亦復無有能使改者舍利弗曰捷連摩訶迦葉皆入涅槃我今當向誰說如此事我亦當入於涅槃佛之法眼足千年住我今

但當涅槃我同學善伴久已過去今日親厚
莫過身念處尊者阿難語商那和修佛以法
付囑尊者迦葉迦葉以法付囑於我我今欲
入涅槃汝當擁護佛法摩突羅國有優留蔓
荼山當於彼立塔寺時有長者兄弟二人一
名那羅二名跋利佛記此二檀越當於此優
留蔓荼山造僧阿練若處摩突羅國有長者
名毘多當生一子名優波毘多汝好度使出
家佛記此人我百年後當大作佛事
商那和修荅言唯然受教尊者阿難付囑商
那和修佛法已於晨朝著衣持鉢入城乞食
而生念言阿闍世王與我有要我今當往辭

阿闍世王即到阿闍世王門語守門者言汝
往白王阿難今在門外欲得見王時守門人
見王眠睡還白尊者阿難言王今睡眠阿難
語言汝往覺之答阿難言王甚性惡我不敢
覺又復語言王若覺時可白王言阿難今者欲
入涅槃故來語王尊者阿難乞食食訖思惟
我若於王舍城入於涅槃阿闍世王與毗舍
離常不相能阿闍世王以我舍利不與毗舍
離我若毗舍離入涅槃者毗舍離人以我舍
利亦不與阿闍世王二國共諍於理不可我
今於恒河中當入涅槃尊者阿難往詣恒河
所阿闍世王夢見爲王捉蓋之人折於蓋莖

王夢見已恐怖即覺守門者言向者阿難故
來舜王欲入涅槃王聞此語問絕躡地以水
灑面還得醒悟王醒悟已問言阿難去可近
遠欲在河邊入於涅槃時竹林園神來語王
言阿難向毗舍離入般涅槃王聞此已即集
四兵往詣恒河毗舍離神語毗舍離人尊者
阿難向此涅槃毗舍離人聞神語已即集四
兵往趣恒河既至河已尊者阿難乘船在於
恒河中流阿闍世王見尊者時頭面禮足合
掌而言如來三界明燈已棄我去汝是我明
燈是我歸依願見哀愍莫見棄捨入於涅槃
毗舍離人禮尊者阿難足合掌而言唯願尊

者在毗舍離入般涅槃尊者阿難欲入涅槃
即時大地六種震動時雪山中五百仙人皆
具五通而作是念今此大地以何因緣六種
震動觀見阿難欲入涅槃是以大地六種震
動彼仙人中有一導首將五百仙人翼從而
來至阿難所敬禮其足合掌而言聽我出家
阿難心念言我諸賢聖弟子今當來至作是
念已五百羅漢自然來至尊者阿難化彼河
水變成金地乃至五百仙人出家皆得羅漢
是諸仙人在恒河中受戒故即名為摩田提
所作已辦得阿羅漢禮阿難足合掌而言佛
最後弟子頌拔陁先佛涅槃我今亦是阿難

最後弟子欲入涅槃不忍見於和尚涅槃尊者
阿難語言世尊以法付囑於我而入涅槃我
今亦付囑汝之佛法而入涅槃汝等當於罽
賓國中豎立佛法佛記我涅槃後當有摩田
提比丘當持佛法在罽賓國尊者阿難以法
付囑摩田提比丘已踊身虛空作十八變令
諸檀越作喜樂心已入風奮迅三昧分身爲
四分一分向忉利天與釋提桓因一分至大
海中與莎竭羅龍王一分與阿闍世王一分
與毗舍離諸利車等如是四處各皆起塔供
養舍利

摩田提因緣第九

摩田提作是念言和尚問難付囑我佛法使
我以佛法安置罽賓國時罽賓國有一大龍
先在彼住摩田提即向罽賓國結加趺坐作
是念若不惱觸龍此龍終不可降即時入定
令罽賓國六種震動龍瞋恚而起放雷電霹
靂雨大雹雨尊者摩田提入慈心三昧乃至
不能動衣一角況能動身化彼雷電霹靂及
以大雨作鉢頭摩華拘物頭華分陞利華優
鉢羅華龍復雨於劔輪刁稍種種器仗摩田
提復化作七寶復雨大樹復雨大石山摩田
提化彼樹山爲飲食衣被復注大雨七日七
夜尊者接雨著大海中叉口中出火欲燒尊

者尊者變火爲真珠彼復化作數千龍身尊者
者化作數千金翅鳥龍見金翅鳥恐怖走來
至尊者所問言尊者欲何所爲答言可受三
自歸龍復問言欲作何事尊者答言與我此
處龍言不與尊者復語龍言佛臨涅槃時記
此國當作安隱坐禪之處龍問言是佛所記
耶答言是佛所記龍問言欲得幾許地答言
欲得一坐處摩田提即時現身滿罽賓國加
跌而坐龍問言用介許地爲答曰我今有諸
伴黨即復問言有幾伴黨答言有五百羅漢
龍言若減一人還歸我土尊者入定觀於佛
法隨幾時住由此阿羅漢常能滿足五百不

耶觀必常有五百不滅。答言：「尔龍言與之尊者將無量人來入此國自安村落城邑摩田提將人飛向香山中欲取鬱金香來至罽賓種之時香山龍瞋恚護之龍復問言須幾時種答言隨有佛法時問曰佛法幾時答言佛法千歲龍言隨有佛法時與汝鬱金香田提作是念我和上納勅我以佛法耆罽賓國廣作佛事我已作竟今涅槃時到即踊身虛空作十八變使諸檀越得歡喜心而大饒益同梵行者譬如以水滅火入於涅槃以梅檀薪燒訖收骨起塔。」

阿育王傳卷第三

廣狹

反下侯夾也

閑暇

夏音

挽衣

牽上音晚

摺排

上土

回翹

渠舉也

棧

音伐束竹木渡水也

棧亦作筏

曰

曰

海淵

反下烏玄

脇

虛業反

豁尔

活上兄捷疾

上

反

漂流

反上疋苗

反

作擯

下必刃反

悲慘

下七

反

蔓陔

官上莫

酸

蘇官

羸劣

垂上力

奮迅

下方問

反

刁稍

戟下音朝也

反

反

反

反

反

反

反

